

Klub SDP BiH u Skupštini KS

Sarajevo, 03.06.2024. godine

ZA:

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO**

N/r. Predsjedavajući Skupštine Kantona Sarajevo g. Elvedin Okerić

Predmet: Na osnovu člana 151. i 152. Poslovnika Skupštine Kantona Sarajevo („Službene novine Kantona Sarajevo“, br. 41/12 – drugi prečišćeni tekst, 15/13 i 47/13), kojim se propisuje da pravo predlaganja amandmana imaju zastupnici u SKS, dostavljamo amandmane na Prijedlog Zakona o odgoju i obrazovanju u osnovnoj i srednjoj školi u Kantonu Sarajevo.

Amandman 1.

U članu 70. dodati stav 8. koji glasi:

Redovno pohađanje srednje škole nije obavezno u slučajevima utvrđenim propisom iz člana 95. stav 8. za učenike srednjih škola kojima je izrečena odgojno-disciplinska mjera za povredu učeničkih dužnosti „isključene iz srednje škole“ .

***Obrazloženje:** Propisom iz člana 95. stav 8. moraju se predvidjeti slučajevi u kojima učenici za teškim devijantnim ponašanjem, nosioci krivičnih prijava, osuđenici za teška krivična djela i slično, a koji predstavljaju opasnost za sigurno okruženje u školama, ne mogu redovno pohađati nastavu.*

Amandman 2.

U članu 95. stav 8. nakon riječi „isključenje iz srednje škole“ riječi „obavezan je“ se mijenjaju sa riječju „može“, riječ „Instituta“ se mijenja riječima „Instituta/Ministarstva“, a riječ „Ministarstvo“ se mijenja sa riječi „Vlada“.

Obrazloženje: Za prijedlog izmjene riječi „može“ je usklađivanje sa prijedlogom izmjene prethodnog člana.

S obzirom na ogroman društveni značaj ovog propisa smatramo da ga treba donositi najodgovorniji organ izvršne vlasti.

U članu 135. stav 10. riječ „Ministarstvo“ se mijenja riječju „Vlada“.

Obrazloženje: Kao u prethodnom prijedlogu izmjene.

Amandman 3.

U članu 137. stavove 1., 2., i 3. zamijeniti sa stavom 1. koji glasi:

„Radnici zatečeni na radu u školi u radnom-pravnom statusu na neodređeno vrijeme, koji ne posjeduju profil i stručnu spremu utvrđenu propisom iz člana 97. ovog Zakona ili pedagoškim standardima i normativima predviđenu za ta radna mjesta, a danom stupanja na snagu ovog Zakona imaju više od 15 godina radnog staža u školi, ostaju na svojim poslovima i radnim zadacima bez obaveze doškoloavanja.“

Obrazloženje: Lica koja su stekla pravo na rad na neodređeno vrijeme po propisima koja su tada bila važeća uglavnom imaju dovoljno iskustva, a predviđenim rješenjem bi se natjerali da upisuju privatne fakultete sa upitnim referencama i programima zbog lakoće i brzine završavanja istih.

Predviđenim rješenjem osobe sa preko 40 godina životne dobi bi se natjerale da upisuju fakultete, a po dosadašnjoj praksi većina će se odlučiti ići linijom manjeg otpora i upisati privatne fakultete sa upitnim referencama što sigurno neće dovesti do dodatnog usavršavanja i poboljšanja kvalitete njihovog obrazovanja i educiranja potrebnih da odgovore unapređenju kvalitete nastave na svojim radnim mjestima.

**Šef Kluba zastupnika SDP BiH u
SKS**

Davor Čičić, s.r.